

## Z A K L J U Č C I

### II. Regionalne konferencije sekcija žena metalških sindikata JIE

Predstavnice sekcija žena sindikata metalaca iz JIE sastale su se u Sarajevu 30.05.2011 na II Regionalnoj konferenciji i raspravljale o sljedećim temama:

- Regulative u vezi mobbinga u JIE, utjecaj mobbinga na radni položaj žene;
- Razmjena iskustava i razvoj zajedničkih politika za privlačenje više žena-aktivistica u sindikate;
- Primjena zaključaka sa I. Regionalne konferencije iz prošle godine.

U raspravama je istaknuto da:

1. Mobbing postoji u svim sredinama i utječe na život i rad kako žena, tako i muškaraca, a pogotovu sindikalnih predstavnika. Ovaj problem je zakonski sankcioniran (na različite načine), a u kolektivnim ugovorima se uvode dodatne regulative za suzbijanje svih oblika diskriminacije i mobbinga. Bolji rezultati se mogu postići i kroz tripartitni socijalni dijalog na razini države, jačanje sindikalnih kapaciteta i suradnju sa nevladinim organizacijama koje se specijaliziraju za rad sa žrtvama mobbinga.
2. Žene nisu zastupljene u organima sindikata sukladno njihovom udjelu u članstvu sindikata. Sindikati primjenjuju različite politike "pozitivne diskriminacije" da bi osigurali veći udio žena u svojim organima, međutim to nije dalo zadovoljavajuće rezultate na duži rok. S druge strane, aktivnost žena u sindikatu je neophodna i dragocjena i doprinosi sveukupnom jačanju i

poboljšanju rada sindikata, zbog čega se moraju povećati napori za privlačenje više žena za aktivan rad u sindikatu.

3. Posljedice globalne ekonomske krize, koje su utjecale i utječu na rad sindikata, dovele su do usporavanja provođenja nekih od zaključaka sa I. Regionalne konferencije. Međutim, predstavnice sekcija žena smatraju da se ti zaključci dalje i u kontinuitetu moraju provoditi, pogotovu što su se sindikati obavezali na to na VI. Regionalnoj konferenciji prošle godine.

Zbog svega toga, učesnice II. Regionalne konferencije sekcija žena metalnih sindikata **zaključuju** da:

- Mreža sekcija žena počinje svoj rad kroz angažiranje na dobivanju konkretnih projekata za obrazovni rad sa članicama sekcija žena, kroz koji će se one osposobljavati za učinkovitiji sindikalni rad i bolje funkcioniranje samih sindikata i sekcija žena;
- Sindikati – učesnici Regionalne konferencije moraju nastaviti provođenje prethodno usvojenih zaključaka, pogotovu u vezi sa formiranjem i stvaranjem materijalnih preduvjeta za funkcioniranje sekcija žena, kao i osiguravanjem veće zastupljenosti i učešća žena u organima sindikata;
- Predstavnice sekcija žena će kroz svoj rad u sindikatima kontinuirano inicirati rasprave vezano za rodnu ravnopravnost, nediskriminaciju po svim osnovama, te će insistirati da se u kolektivnom pregovaranju uključuju odredbe vezane za ova pitanja (mobbing, jednako opterećenje žena i muškaraca, zabranu diskriminacije, jednako plaćanje

rada itd), a to će zastupati i kod učešća sindikata u donošenju zakona i ostalih akata.

Sarajevo, 30.05.2011.

**II. Regionalna konferencija sekcija žena metalških sindikata JIE**